



Early Journal Content on JSTOR, Free to Anyone in the World

This article is one of nearly 500,000 scholarly works digitized and made freely available to everyone in the world by JSTOR.

Known as the Early Journal Content, this set of works include research articles, news, letters, and other writings published in more than 200 of the oldest leading academic journals. The works date from the mid-seventeenth to the early twentieth centuries.

We encourage people to read and share the Early Journal Content openly and to tell others that this resource exists. People may post this content online or redistribute in any way for non-commercial purposes.

Read more about Early Journal Content at <http://about.jstor.org/participate-jstor/individuals/early-journal-content>.

JSTOR is a digital library of academic journals, books, and primary source objects. JSTOR helps people discover, use, and build upon a wide range of content through a powerful research and teaching platform, and preserves this content for future generations. JSTOR is part of ITHAKA, a not-for-profit organization that also includes Ithaka S+R and Portico. For more information about JSTOR, please contact support@jstor.org.

Phænomena in Cadavere prænobilis cujusdam Fæminæ, Apoplexia peremptæ, inter diſſecandum, Maii 12, 1679, à Clariff. Medico D^{no}. Dre. Cole Obſervata.

ILluſtriſſima D^a, in ſæculi ornamentum & exemplum nata (utpote cujus non ſolum ſtupendæ animi dotes, ſed & eximia virtus, cunctos queis innotuiſſe contigit, in admirationem, imo & venerationem rapuerunt,) à multis retro annis *hypochondriatis* (prout vulgo dicuntur,) & *hystericis* laboraverat ſymptomatis; quibus aliquoties, at nuperis annis, ſupervenerat narium hæmorrhagia, ea-que quandoque tam profuſa, ut de vita fere deſperandum fuerit. Ad periculum & à morbis, & ab hæmorrhagia, averruncandum, phlebotomia (neſcio ipſius D^æ, an medicorum ſuaſu,) inter alia præſidia sæpe in ſubſidium vocata fuerat, à qua (non ſecus ac ab hæmorrhagiis dum moderate procederent,) egregium ſæpenumero levamen, emaciatum quamvis fuit, & non morbo ſolum & jeuniis maceratum, corpus, ſenſit. Imo licet ante menſem, plus minus, ab obitu ſpontaneam, eamque valde copioſam, hæmorrhagiam, quæ negotio non omnino nullo tandem ſiſtebatur, perpeſſa fuerat, uſque adeo tamen ab eo tempore in valetudine, paulo ante deſperata fere, recuperanda promoverat, ut ſibi perſuaſerat, ſe jam extra diſcriminis aleam, diminutis plurimum ſymptomatis, ferme conſtitiffe. Solummodo pridie ejus diei, qui illi ſupremus erat, denuo ad hæmorrhagiam ſolitam proclivis erat, quam omni ope ſub ipſo erumpere geſtientiſ ſanguinis primo nixu prævenire fatagebat, periculum, quod nuper ab immodico ejus effluxu evaſerat, iterum verita. Et quidem nimis fataliter ceſſit remediorum quæ adhibuit ſucceſſus, ſanguine non amplius prodeunte;

deunte ; unde se in tuto positam, vel eo ipso ante obitum die, Maii 10, censuit. Cum ex improvise fatalis illius immineret catastrophe. Postquam enim vespere se intra cubile composuerat, subito immani capitis dolore correpta erat ; cujus gratia (vacillare statim incipiente lingua,) chirurgum extemplo advocari iussit, qui sanguinem detraheret. Ille autem, qui mille passus inde aberat, non ante appellere potuit, quam Nobilissima D^{na}. è vivis excesserat, quod intra semihoram ab insultu contigit.

Ad cadaveris apertionem vocatus, accito in operis societatem doctiss. D. *Tomkyns*, nil in visceribus abdomine contentis invenire potuimus, unde vel insignem aliquam labem iis adesse concluderemus, nedum mortis causam illic latitare. Et quidem, notatu dignum erat, quod quamvis à triginta annis jecur, ab omnibus fere Celeberr. Medicis, quos sanitati suæ moderandæ admovent (& inter cæteros famigeratis. D. *Mayerne*,) non modo summe obstructum (quæ etiam de Liene pronuntiata fuerat sententia,) sed etiam scirrhum habitum fuerat ; usque adeo tamen ab omni labe immune erat, ut nulla vel minimæ obstructionis, (licet ubicunque talem latitare suspicio ingruere potuit aperuerimus,) vestigia offendi potuerant ; verum vasa debitas suas distributiones quantum colligere potuimus, observabant, substantia uniformis & compacta erat, colorque universim, qualem naturæ modus exigit, optimus ; hinc ut appareat, quam injuste sæpenumero criminari soleamus hoc viscus. Solummodo prægrande erat, & proinde (in macilento præsertim corpore,) majorem solita in hypochondrio tensionem efficiens, palpum iis facile obtrudere potuit, qui, pro solenni olim more, cunctorum, *hypochondriacorum* titulo insignitorum, symptomatum causas ab Hepate & Liene obstructis deducunt. Hoc saltem notavimus, quod nec in cysti fellea, quæ plurimum contracta erat, nec in reliquis (quæ sese conspicienda obtule-

runt,) per hepar sparsis vasis biliaribus, quicquam bilis repertum fuerit, nec ab ea tincturam, nisi admodum dilutam, hauserant; verum in cystis cavitate quatuordecim reperiiebantur concretiones, quarum maxima pars magnitudine pisa æquabant, duæ vel tres paulo ampliores erant, pressæ rotunditatis, exterius fere nigricantes, & glabræ, atque Bezoar, postquam paululum aeri expositæ fuerant, æmulantes, primo autem intuitu pilulas aloeticas referentes, intus flavescentes, cum aliquali in centro cavitate, facileque friabiles.

Lien pariter ab omni labe immunis videbatur, sed, non secus ac hepar, solito grandior.

Ventriculus vacuus (utpote quem pauculis ante mortem horis depleverat vomitionis, non infrequens toto ægritudinis decursu, paroxysmus; ut taceam Hon. D^{am} tantaseemper, ne Seraphicis fruitionibus poneretur obex, abstinentia usum fuisse, ut raro ipsis naturæ indigentis, alimentorum debita ingesta mensura, vel maxime sana consuleret,) non multum, vel quod ad colorem vel texturam attinet, nisi quod paulo flaccidior fuerit, culpandus videbatur.

Pancreas nulla evidentia obstructionis indicia prodebat, ut nec mesenterii glandulæ. Omentum satis firmum erat.

Renes & sabulo, & calculis, omnique obstruente materia liberi erant, quantumvis præ doloribus, qui circa eorum regionem aliquoties invadere solebant, crediderat aliquando Illustr. D^a, se calculo laborasse; Solum modo laxior aliquantum æquo videbatur illorum compages; quod forsan copiosæ quam perpeti solebat, urinæ limpidæ eos perluentis quantitati imputari mereatur.

Uterus debite constitutus videbatur, quamvis ex symptomatis, quibus antea laboraverat, haud pauca huic parti adscribi soleant.

Intra

Intra thoracem observandum occurrebat, 1^o, quod in dextro latere pulmones tam firmiter pleuræ, quatuor digitorum latitudine, adhærerent, ut nisi cultri adminiculo ægre separari potuerint; 2^o, quod variis in locis, præsertim hic illic circa loborum margines, tanto nigrore afficerentur, ut ad sphacelationes proni viderentur.

Cor sanum conspiciebatur: quodque forsân attendi mereatur, pinguedinis sat magna quantitas basi ejus accrevit, quanquam reliquo corpore valde emaciata fuerit.

Aperto vero cranio tam subitæ cladis evidenter sese obtulit causa. Vasa etenim sanguifera membranas (*tenuem* præsertim,) dextri lobi cerebri perreptantia, sanguine admodum turgebant; iisque ex illa cerebri regione, (qua se laborare statim ab invasione conquesta est,) difficillimis, magna effluxit serosi sanguinis quantitas; quo evacuato, cerebrique substantia cultello aperta, sese in conspectum obtulit largus concreti cruoris grumus, qui stateræ impositus pendit unciam circiter cum dimidia, atque proinde largam illic sibi necessario formaverat cavitatem. Ast in ventriculos, vel alibi inter membranas nil omnino sanguinis effusum erat. Sinistrum lobum quod attinet, nec ille, nec ejus vasa sanguine supra modum turgebant. De cætero, nil in propria isthac, quam lucernarum ope adornabamus, dissectione (nempe festinandum erat,) comperire potuimus, unde concludendum esset cerebrum, quantum oculis patuit, male affectum esse; tametsi ex variis symptomatis quibus à longo tempore obnoxia fuisset Nobiliss. D^r (utpote cordis tremore, & palpitationibus, magnis anxietatibus, musculorum in artubus aliisque partibus contracturis & doloribus, aliisque pluribus convulsivis,) non levis momenti argumenta succi nervosi haud parum vitiati desumi potuerint. Unde corollarium isthoc forsân deducere liceat; Succorum in corpore contentorum vitia non semper partium vel continentium vel,

secernentium culpæ, sed quandoque (si non plerumque,) propriæ eorum degenerationi & dyſcrasîæ imputanda eſſe. Cerebrum, cum cerebello, cranio exemptum, & ſuperfluo, qua licuit, ſanguine liberatum, pependit *lbii uncXIIII*, juxta vulgata pondera quæ apud nos in uſu ſunt, & ad manum erant, *Averduſois* dicta; id quod forſan curioſis non ingratum fuerit annotaſſe.
